

Allannguutissatut siunnersuut
uunga

**Uunga siunnersuut: Inuit Pisinnaatitaaffiinut Kalaallit Nunaata Siunnersuisoqatigiiivi
pillugit Inatsisartut inatsisaat nr. xx, xx 2012-imeersoq.**

Aappassaaneerinninnermut Inatsisinut Ataatsimiititaliamit saqqummiunneqartoq

§ 3-mut

1. § 3, imm. 2-3, ima oqaasertalerneqassaaq:

” Imm. 2. Inuaqatigiinni inuinnaat soqutigisaqaqatigiiffii pisortallu suliffeqarfii uku tamarmik Inuit Pisinnaatitaaffiinut Kalaallit Nunaata Siunnersuisoqatigiivinut ilaasortassamik ataatsimik toqqaasinnaapput:

- 1) Meeqqat Inuunerissut – MIBB.
- 2) Nanu – Nanubørn.
- 3) Kalaallit Nunaanni Illersuisut Peqatigiiffiat.
- 4) Nunatsinni Advokatit.
- 5) Kalaallit Nunaanni Sulisitsisut Peqatigiiffiat – GA.
- 6) Kalaallit Nunaanni Innarluutillit Piginnaanikitsut Kattuffiat – KNIPK.
- 7) Inuit Circumpolar Council - ICC-Kalaallit Nunaat.
- 8) Ilisimatusarfik.
- 9) Kalaallit Nunaanni Aalisartut Piniartullu Kattuffiat – KNAPK.
- 10) Kalaallit Nunaanni Naligiissitaanissamut Siunnersuisoqatigiit.
- 11) Sulinermik Inuussutissarsiuteqartut Kattuffiat – SIK.
- 12) Transparency Greenland.
- 13) Sorlak.
- 14) Kattuffik Utoqqaat Nipaat.
- 15) Meeqqat Illersuisuat – Meeqqat Inuuusuttullu Oqaloqatiginnittarfiat – MIO.

Imm. 3. Pisortani oqartussaasut uku tamarmik Inuit Pisinnaatitaaffiinut Kalaallit Nunaata Siunnersuisoqatigiivinut ilaasortassamik toqqaasinnaapput:

- 1) Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisoqarfik – IKINN.
- 2) Kalaallit Nunaanni Kommunit Kattuffiat – KANUKOKA.
- 3) Inatsisartut Ombudsmandiat.”

§ 4-mut

2. § 4, imm. 5-6, ima oqaasertalerneqassaaq:

” Imm. 5. Ilasortat § 3, imm. 3 malillugu toqqakkat alaatsinaatsullu siunnersuisoqatigiit ataatsimiinnerini peqataasartut, taasisinnaatitaanatillu qinigaasinnaatitaanngillat.

Imm. 6. Inuit Pisinnaatitaaffiinut Kalaallit Nunaata Siunnersuisoqatigiivi aalajangiisinnaap-put soqutigisaqaqatigiiffiit oqartussallu il.il. allat siunnersuisoqatigiit ataatsimiinnerinut alaatsinaatsutut peqataasinnaasut.”

Siunnersuummut nassuaatit

Nassuaatit nalinginnaasut

Allannguinissamik siunnersuut tunuliaquataa siunertaalu Inatsisinut Ataatsimiititaliap aappaasaaneerinninnissamut isumaliutissiissutaani erseqqinnerusumik nassuaatigineqarpoq. Tas-sungalu innersuussisoqarpoq, kiisalu aalajangersakkat ataasiakkaat nassuaatitaannut.

Allannguinissamik siunnersuut pisortanut aningaasaqarnikkut allaffissornikkulluunniit kinguneqassanngilaq, soorlu aamma malunnaatilimmik inuussutissarsiortunut, avatangiisinut pinn-gortitamut, inuiaat peqqinnissaannut imaluunniit innuttaasunut malunnaatilimmik kinguneqassanani.

Aalajangersakkanut ataasiakkaanut nassuaatit

Nr. 1-imut

Meeqqat Illersuisuat Inuit Pisinnaatitaaffiinut Kalaallit Nunaata Siunnersuisoqatigiivinut ilaa-sortamik taasisinnaatitaasumik toqqaasinnaanermut periarfissinneqassasoq siunnersuutigine-qarpoq.

Siunnersuisoqatigiit katitigaanerannik, imaluunniit ilaasortanik *taasisinnaatitaasunik taasisin-naatitaanngitsunilluunniit* toqqaasinnaanermut periarfissalinut tunngatillugu, allannguinissanik allanik siunnersuuteqanngilaq.

Allannguutissatut siunnersuummi §3, imm 3-p oqaasertalerneqarnerani (kikkut Siunnersuisoqatigiinnut ilaasortanik taasisinnaatitaanngitsunik toqqaasinnaatitaasut allattorneqarfianni) toqqaasinnaatitaasut tamarmik ”pisortatut oqartussaasutut” taaneqarsinnaannginnerat isigin-iarneqarsimavoq.

Nr. 2-mut.

§ 4, imm. 5-ip oqaasertalerneqarnerata allanngortinneqarnissaa siunnersuutigineqarpoq aalaja-nersakkap imarisaanik allannguinissaq siunertarinngikkaluarlugu. Allannguutissatut siunner-

suutip oqaasertalerneqarnerani § 3, imm. 3 malillugu toqqaasinnaatitaasut tamarmik ”pisortatut oqartussaasutut” taaneqarsinnaannnginnerat isiginiarneqarsimavoq.

Aalajangersakkap malitsigissavaa ilaasortat § 3, imm. 3 malillugu toqqagaasut (tassalu ilaa- sortat Ilaqutariinnermut, Kultureqarnermut, Ilageeqarnermut Naligiissitaanermullu Naalakker- suisoqarfimmit/KANUKOKA-mit/Inatsisartut Ombudsmandianit toqqakkat) taasisinnaatita- natillu qinigaasinnaatitaassanngimmata. Tamanna aamma atuuppoq alaatsinaatsunut § 4. imm. 6 malillugu Siunnersuisoqatigiit ataatsimiinnerini peqataasartunut.

Aamma Inuit pisinnaatitaaffiinik ilisimatusarfik – Danmarkimi namminermi inuit pisinnaati- taaffiinik sullissivik (Institut for Menneskerettigheder – Danmarks Nationale Menneskerettig- hedsinstitution), § 3. imm. 4 malillugu Siunnersuisoqatigiit ataatsimiinnerini peqataasinnaati- taasut, taasisinnaatitaanngillat (imminilu aamma qinigaasinnaatitaanaatilluunniit). Tamannali § 4, imm. 5-ip malitsiginagu § 3, imm. 4-p malitsigaa.

§ 4, imm. 6-imik allannguinissaq siunnersuutigineqarpoq, suliniaqtigiiiffiit allat kisimik pin- natik aammali oqartussat il.il. allat siunnersuisoqatigiit ataatsimiinnerini alaatsinaattutut peqa- taasinnaalersillugit.